






石屏詩集卷第一

近古體

求先人墨迹呈表兄黃季文

我翁本詩仙遊戲滄海上引手掣鯨鯢失脚墮塵
 網身窮道則腴年高氣彌壯平生無長物飲盡千
 斛釀傳家古錦囊自作金玉想篇章久零落人間
 眇餘響搜求二十年痛淚濕黃壤君家圖書府墨
 色照青嶂我翁有遺迹數紙古田樣髮髻鍾王體
 吟句更豪放把玩竹林間寒風凜悽慘昂昂野鶴

石屏詩集卷第一



石屏詩集卷第一

姿愧無中散狀兒孤襁褓中家風隨掃蕩於茲見
筆法可想翁無恙幽居寂寞鄉風月共來往衆醜
成獨妍群瘖恠孤唱一生既蹉跎人琴遂俱喪託
君名不朽斯文豈天相舊作忽新傳識者動慨賞
嗟予忝厥嗣朝夕愧俯仰敢墜顯揚思幽光發草
莽假此見諸公巧銘松柏壙君其啓惠心慰彼九
泉望

夢中亦役役

半夜群動息五更百夢殘天鷄啼一聲萬枕不遑

安一日一百刻能得幾刻閒當其閒時作夢更
多端窮者夢富貴達者夢神仙夢中亦役役人生
良鮮歡

飲馬長城窟

朔風凜高秋黑霧翳白日漢兵來伐胡飲馬長城
窟古來長城窟中有戰士骨骨久化爲泉馬來喫
不得聞說華山陽水甘春草長

白苧歌

雪爲緯玉爲經一織三滌手織成一片冰清如夷

齊一作齊夷可以為衣陟彼西山于以采薇

黃玉林云趙懶菴為戴石屏選詩百餘篇南塘稱其識精到其間白苧歌最古雅語簡意深今世難得所謂一不為少

羅敷詞

妾本秦氏女今春嫁王郎夫家重蚕事出採陌上桑低枝採易殘高枝手難扳踏踏竹梯登樹杪心思蚕多苦葉少舉頭桑枝掛鬢唇轉身桑枝勾破裙辛苦事蚕桑實為良家人使君奚所為見妾駐

車輪使君口有言羅敷耳無聞蚕饑蚕饑采葉急歸

題陳毅甫家壁了翁之後也

朱門金叵羅九醞葡萄酒春酌貴不酌賤酌富不酌貧君家破茅屋飄搖河水濱中有一樽淥醉盡天下人

荅婦詞舊嘗和顧彥先婦荅夫二首故復賦此篇

江山阻且長矯首鄉關隔空閨泣幼婦顛顛失顏色隱閔鶴鳴篇寄彼西飛翼剝封覽情素既喜復

淒惻別時梅始花傷今食梅實覽古帝王州結交
游俠窟千金沽美酒一飲連十日春風吹酒醒始
知身是客杜宇啼一聲行人淚橫臆衣破誰與紉
髮垢孰與櫛勿謂遊子心而不念家室新交握臂
行肝膽猶楚越醜婦隔江山千里情弗絕慙慙揮
報章歸計何時決今夕知何夕覩此纖纖月此月
再圓時門前候歸車轍

都中書懷呈滕仁伯祕監

北風朝暮寒園林日蕭條自非松柏姿何葉不飄

搥儒衣歷多難陋巷困簞瓢無地可躬耕無才仕
王朝一饑驅我來騎驢吟灞橋通名丞相府數月
不見招欲登五侯門非皓齒細腰索米長安街滿
口讀詩騷時人試靜聽霜枝轉寒蛸倘可悅人耳
安望如簫韶

桐廬舟中

吳山青未了桐江綠相迎扁舟問何之往訪嚴子
陵高風凜千古卧蹴萬乘主富貴直浮雲羊裘釣
烟雨

湖北上吳勝之運使有感而言非詩也

蒼生積累久天欲盡殺之干戈殺不盡謹以大旱
饑田野委餓等道路紛流離衆人識天意不敢加
扶持公懷佛子性逆天救民命擅移太倉粟衆拂
生塵甑全活十萬家九州詠仁政逆天天弗怒鬼
神胡不怒白玉尚指瑕青蠅工點素秋風動蓴鱸
公亦思歸去問公歸去兮一作蒼生誰怙恃
所館小樓見山可喜一作恃怙

茲樓非我有久居如主人雖無往來客青山當佳

在一卷

賓君看樓下路三尺軟紅塵失脚踏此塵汨沒多
終身

客行河水東

客行河水東客行河水西客行河水南客行河水
北行行無已時朱顏變老色至入樓一方庭戶羅
八極保心如止水不受萬物役有道肥其軀故能
適所息

和山谷上東坡古風二首見一朝士今取一篇

自謂萬非奇貨強鳴非好聲法當老山林松根斷茨

岑竭來長安道霜鬢迫衰齡窮吟無知音祇覺太
瘦生公詩妙一世風雅見根蒂比興千萬篇一作已
作不朽計窮達雖不同嗜好迥相似斷一作斷

題古源崇和尚送青軒

南山色射窓北山光照戶道人處其中冰玉爲肺
腑茲山自開闢荒翳幾年所一朝得主人荆榛化
庭宇手披風月箴日極烟霞趣居然獲竒觀入境
賀相遇道人詩更高不作蔬筍語朝對北山吟暮
對南山賦聞說玉堂仙擊節賞佳句

大熱五首

天地一大窰陽炭烹六月萬物此陶鎔人何怨炎
熱君看百穀秋亦自暑中結田水沸如湯背汗濕
如潑農夫方夏耘安坐吾敢食

左手遮赤日右手招清風揮汗不能已扇笠競要
功南山龍吐雲騰騰滿虛空一雨變清涼萬物隨
䟽通向人無德色大哉造化工

大渴遇甘井汲多井欲竭入喉化爲汗不救胸中
熱吾聞三危露迥與衆水別其色瑩琉璃其冷勝

水雪安得一杯來爲我解此渴

吾家老茅屋破漏尚可住門前五巨樟枝葉龍蛇舞半空隔天日六月不知暑西照坐東偏南薰開北戶胡爲捨是居受此炮炙苦

天嗔吾面白晒作鉄色深天能黑我面豈能黑我心我心有水雪不受暑氣侵推去北窓枕思鼓南風琴千古叫虞舜遺我以解好音

久寓泉南待一故人消息桂隱諸葛如晦謂客舍不可住借一園亭安下即事凡有十首

寄跡小園中自笑客異鄉東家送檳榔西家送檳榔咀嚼唇齒赤亦能醉我勝南人敬愛客以此當茶湯慙慙謝其來此意不可忘

寄跡小園中豈不勝旅舍俗事無交加客身自閑暇鄰家有酒沽杯盤亦可借吟侶適相過新詩堪膾炙足以慰我懷留連日至夜

寄跡小園中數椽亦瀟灑主人既相知此地可久假縣官送月糧鄰翁供菜把咫尺是屠門亦有賣鮮者里巷通往來欲結雞豚社

寄跡小園中餘春接初夏問木木成陰問花花已
謝黃鸝出幽谷杜鵑叫長夜把酒酌園婆遠客此
稅駕有時吟聲高鬼神莫驚怕

寄跡小園中一心安淡薄每坐竹間亭不知近城
郭昨日看花開今日見花落靜中觀物化妙處在
一覺委身以順命無憂亦無樂

寄跡小園中第一薪水便逐一炊黃梁兼得魚鱉
賤飽飯口無營遮眼有書卷時逢好客來應接不
知倦最苦風雨時有人招夜宴隨一類竹逐日

寄跡小園中新晴風日麗好鳥竹間鳴野鶴空中
唳悠然動詩興行吟撫松桂久客若忘歸此身笑
匏繫五月倘未行尚及食丹荔

寄跡小園中頗欲闕形影誰爲饒舌者太守忽相
請開心論時務細語及詩境坐中有蠻客狂言事
馳騁明日酒醒來熟思令人瘦闕一作開

寄跡小園中忽有烏衣至手中執圓封州府特遣
饋羅列滿吾前禮數頗周緻四隣來聚觀若有流
涎意呼童急開樽四隣同一醉

寄跡小園中倒指五十日既得故人書南游吾事
畢再拜謝主翁奉還此一室雲萍聚復散欲住住
不得折柳當馬鞭明朝有行色

題鄭寧夫玉軒詩卷

良玉假雕琢好詩費吟哦詩句果如玉沈謝不足
多玉聲貴清越玉色愛純粹作詩亦如之要在工
夫至辨玉先辨石論詩先論格詩家體固多文章
有正脉細觀玉軒吟一生良苦心雕琢復雕琢片
玉萬黃金

澣以秋蘭一盆爲供

吾兒來侍側供我一秋蘭蕭然出塵姿能禁風露
寒移根自巖壑歸我几案間養之以水石副之以
小山儼如對益友朝夕共盤桓清香可呼吸薰我
老肺肝不過十數根當作九畹看

和高常簿暮春

世變日以薄無從見雍熙閉門讀古書聊以道自
怡桃李春盎盎風雨秋淒淒於春何足喜於秋何
用悲人生一世間所忌立志卑終身有不遇千載

皆明時我生無所解肥遯滄海沂一朝遇名勝朽
腐生光輝歛衽贊明德非公誰與歸

和鄭潤甫提舉見寄

出門欲求仁取友必勝已寥寥雲海鄉所幸有君
爾胸蟠三萬卷智先三十里相與定詩盟誰能執
牛耳

長身如病鶴吟苦如蟋蟀顧此顛顛姿癡生年八
秩舉世皆好等老夫方鼓瑟梅花莫笑人茅簷多
朝日

送吳伯成歸建昌二首

此是包宏齋作台時作癸卯夏

老夫脚病瘡閉門作僧夏麥麩不療饑冬衣猶未
卸喜讀吳融詩窮愁退三舍無因暗投壁有味倒
食蕪真搜琢肺肝苦吟忘晝夜工夫到深處非王
亦非霸

吾友嚴華谷實為君里人多年入詩社錦囊貯清
新昨者袁蒙齋招為入幙賓千里有遇合隔牆不
見親君歸訪其家說我老病身別有千萬意付之
六六鱗

謝東侔包宏父三首癸卯夏

詩文雖兩途理義歸乎一風騷凡幾變晚唐諸子
出本朝師古學六經爲世用諸公相羽翼文章還
正統晦翁講道餘高吟復超絕巽巖許其詩鳳凰
飛處別

君家名父子爲晦翁嫡傳嘗見黃勉齋極口稱其
賢師友相琢磨南軒惜無年翁之爲汝翁文字相
周旋滇渤深見底泰華高及天宏齋有鳳髓可續
欲斷弦

平生不識字把筆學吟詩舊說常蘇州於余今見
之每遭饑寒厄出吐辛酸辭候虫鳴屋壁風蟬轉
枯枝但有可憐聲入耳終無奇宏齋誤題品恐貽
識者譏

題姚雪蓬使君所藏蘇野塘畫

高者爲山坳者爲壑爲烟爲雲渺沙漠漠水鳥樹
林人家聚落騎者何之舟者未泊三尺紙上萬象
交錯天機自然神驚鬼愕嗚呼此吾故人野塘蘇
元龍之墨迹中有石屏老淚痕又與野塘添一筆

烏盃角行

鳳簫鼉鼓龍鬚笛夜宴華堂醉春色艷歌妙舞蕩
人心但有歡娛別無益何如村落捲桐吹能使時
人知稼穡村南村北聲相續青郊雨後耕黃犢一
聲催得大麥黃一聲喚得新秧綠人言此角只兒
戲孰識古人吹角意田家作勞多愁咨故假聲音
召和氣吹此角起東作吹此角田家樂此角上與
鄒子之律同宮商合鍾呂形甚朴聲甚古一吹寒
谷生黍黍

靈壁石歌爲方岩王侍郎

靈壁一峯天下奇體勢雄偉身巍巍巨靈怒拗天
柱擲平地蒼龍驤首尾兩片黑雲腰夾之聲如青
銅色碧玉秀潤四時嵐翠濕乾坤所寶落世間鬼
神上訴天公泣謂有非常人致此非常物可磨斫
賊劍可倚擊姦笏可祝不老年可比至剛德自從
突兀在眼前溪山日夜生顏色君不見杭州風流
白使君雅愛天竺雙雲根又不見奇章公家太湖
碧高下品題分甲乙二公名與石不磨今到方巖

有靈壁我來欲作靈壁歌擊石一唱三摩挲秋風
蕭蕭淮水波中分南北橫干戈胡塵埋沒漢山河
泗濱靈壁今如何安得此石來岩阿鬱然盤礴中
原氣對此令人感慨多

章泉二老歌

在昔商山傳四皓又聞香山圖九老異鄉異姓適
同時爭如章泉一家兄弟登耆願章泉之上兩山
下有地可官田可稼伯也早休官季也相約歸林
泉名動京口耕谷口山中有詩天下傳一生得閑

兼得壽皓首龐眉世稀有竹隱先生八十三定庵
告士七十九客從遠方來亦是六十叟手把一枝
梅奉勸兩翁酒問公何以致遐齡請翁細說吾細
聽不燒丹不學仙五行有常數天所稟賦焉人生
一氣統四體衆人斷喪吾能全要知養生無他術
日多喫飯夜獨眠承翁見教謝翁去兩翁慇懃留
我住是夜醉眠苔竹軒夢見山靈向我言翁之所
說皆不然兩翁盛德合乎天天與遐齡五百年
京口喜雨樓落成呈史固叔侍郎

京口畫樓三百所第一新樓名喜雨大鵬展翼到
中天化作簷楹不飛去一日登臨天下奇華燈照
夜萬琉璃上與星辰共羅列下映十里蓮花池秦
山爲翹海爲釀手挈五湖爲甕盎銀糟香沸碧瑤
春歌舞當壚多麗人使君歌了人皆飲更賞谷中
花似錦五兵不用用酒兵折衝樽俎邊塵寢茲樓
屹作東南美孰識黃堂命名意特將此酒喫爲霖
四海九州同一醉

觀陸士龍作顧彥先婦答夫二首有感韻

北風吹歲暮空閨獨樓上夙興淚盈掬夕息憂千里
妾生胡不仁失身從浪子嚼藥苦我心餐水噤我齒
離異何足愁險澀可勝紀寄書西飛鴈反覆話終始
鼠璞竊美名冠玉假外觀良人誇意氣下妾愁歲
晏念君始行邁雪嶺梅初繁春風桃已紅光陰等
飛彈相思果如何金環寬玉腕昔爲連理枝今作
搏沙散惜哉牛與女胼胼阻河漢特棲良獨難守
堅祗自讚雙劍幾時合寄聲問華煥勿聽五羊歌
富貴忘貧賤

栗齋筆仲至以元結文集爲韻

尋常被酒時歸到急投枕爲愛坎山文今夜醉忘
寢偉哉浯溪碑千載氣凜凜春陵賊退篇少陵猶
歛社文章自一家其意則古甚大美遺五味純素
薄文錦聲牙不同俗斯人異所稟君君望堯舜人
人欲倉廩古道不可行時對窰樽飲

杜甫祠

嗚呼杜少陵醉卧春江漲文章萬丈光不隨枯骨
葬平生稷契心致君堯舜上時兮弟我與屹然抱

微尚干戈奔走蹤道路饑寒狀草中辨君臣筆端
誅將相高吟比興體力救風雅喪如史數十篇才
氣一何壯到今五百年知公尚無恙麒麟守高阡
貂蟬入畫像一死不幾時聲迹兩塵莽何如耒陽
江頭三尺荒草墳名如日月光天壤

阿奇晬日

窮居少生涯養子如種穀十亩方在手想像秋禾
熟吾兒天所惠骨相頗豐碩娟娟懷抱中一歲至
週日願汝無灾害長大度可必十歲聰明開二十

蚤奮發胸蟠三萬卷手握五色筆策勲文字場致
君以儒術不然學孫吳縱橫萬人敵爲國取中原
闢地玄冥北他年汝成就料我頭已白光華照老
眼甘旨不可缺爲子必純孝爲人必正直以我期
望至心一日必一祝勿爲癡小兒茫然無所識胎教
尚有聞斯斯言豈無益

琵琶行

潯陽江頭秋月明黃蘆葉底秋風聲銀龍行酒送
歸客丈夫不爲兒女情隔船琵琶自愁思何預江

州司馬事爲渠感激作歌行一寫六百六十字白
樂天白樂天平生多爲達者語到此胡爲不釋然
弗堪謫宦一作官便歸去廬山政接柴桑路不尋黃菊
伴淵明忍泣青衫對商婦

毗陵太平寺畫水呈王君保使君

畫龍篇在後

何人筆端有許力捲來一片瀟湘碧摩挲老眼看
不真惟見層波湧虛壁天慶觀中雙黑龍物色雖
殊妙處同能將此水畜彼龍方知畫手有神通龍
兮水兮終會遇天下蒼生待霖雨

南嶽

南雲漂渺連蒼穹七十二峯朝祝融
凌空棟宇赤帝宅脩廊翼翼生寒風
朝家遣使嚴祀典御香當殿開宸封
願四海扶九重干戈永息年屢豐
五嶽惟今見南嶽北望乾坤雙淚落

送來賓宰

君作來賓宰聽我說來賓蠻俗無王化
當爲行化人有民無租賦租賦出商旅
逐利遭重徵商旅亦良苦能放一分寬
可減十分怨不愛資囊橐但愛

了支遣民窮賴撫摩官貧俸才多但得百姓安
俸薄其柰何勿謂朝廷遠官職易遷轉律已貴廉勤
御事要明斷自縣辟爲州指日爲太守須知早歸
來瘴鄉不可久

題四祖山滌老月窟

道院雲卧

一室虛生白中作滿月形山中三萬戶玉斧新修
成時人指爲月雲卧亦強名似月有圓相不西沉
東升浮雲不能蔽又無虧與盈是爲大圓鏡由師
心地明一圓走無礙光芒照八紘可以破諸暗可

以續祖燈明透雙峯頂輝映慧雲亭此鏡實無臺
請師問老能

出閩

千山萬山閩中路六尺枯藤兩芒屨去歲梅花迎
我來今歲梅花送我去梅花豈解管送迎白髮胡
爲又南征天荒地老終無情歸去歸兮老石屏

劉折父爲吳子才索賦雲山燕居

燕居適所息非懷傲世心白雲自舒卷青山無古
今中有動靜機杳眇諧素襟以時爲出處懷人撫

瑤琴平生披短褐時來或華簪世論倘不合矢口
不如瘖避影長松下洗耳清溪潄慎勿出雲外黃
塵三尺深

玉華洞

憶昨游桂林岩洞甲天下竒竒恠恠生妙不可摸
寫玉華東西岩具體而微者神功巧穿鑿石壁生
孔鑄玲瓏透風月宜冬復宜夏中有補陀僊坐斷
此瀟洒空山茅葦區無地可稅駕舉目忽此逢心
駭見希詫題詩媿不能行人亦無暇

祝二嚴

僕本山野人漁樵共居處小年學父詩用心亦良
苦搜索空虛腹綴緝艱辛語糊口走四方白頭無
伴侶前年得嚴粲今年得嚴羽我自得二嚴牛鐸
諧鍾呂粲也苦吟身束之以簪組遍參百家體終
乃師杜甫羽也天姿高不肯事科舉風雅與騷些
歷歷在肺腑持論傷太高與世或齟齬長歌激古
風自立一門戶二嚴我所敬二嚴亦我與我老歸
故山殘年能幾許平生五百篇無人爲之主零落

天地間未必是塵土再拜祝二嚴爲我收拾取

市舶提舉管仲登飲于萬貢堂不記

七十老翁頭雪白落在江湖賣詩用平生知己管
夷吾得爲萬貢堂前客朝吟有罪遭天厄謀歸未
辦資身策雞林莫有買詩人明日煩公問蕃舶

懶不作書急口令寄朝士

老病懶作書行藏詩上見一心不相忘千里如對
面我已八十翁此身寧久絆諸君才傑出玉石自
有辯隨才供任使小大皆衆選明君用良弼治道

方一變與之致太平朝廷還舊觀老夫眼尚明細
把諸君看試將草草書用寫區區願一願善調燮
二願強加飯三願保太平官職日九轉

鳳鳴有吉凶

鵲噪令人喜鴉噪令人憎人心自分別吉凶屬禽
聲舜時有鳳鳴文王時亦鳴漢時鳳亦鳥六朝時
亦鳴鳳鳴有吉凶人不子細聽

婕妤詞

丹霞張誠子作此詞出以示僕僕疑其太文因作此

紈扇六月時似妾君恩重避暑南薰殿清風隨扇

動妾時侍君王常得沾餘涼秋風颯庭樹團團無
用處妾亦寵顧衰栖栖度朝暮扇為無情物用捨
不知卹妾有深宮怨無情不如扇

江南新體

王建有此體別張誠子

郎船江下泊妾家樓上住朝朝暮暮間上下兩相
顧相顧不相親風波愁殺人

感寓四首

采薇人固高飲露蟬遂清謀茲一粒粟舉世共營
營營營亦多塗中有虧與盈陋巷一簞食朱門九

鼎烹窮達各有命緊誰主權衡吾生未可必秋風
白髮生

蛛網幕虛簷一飽羅群飛寒蚕齧枯桑一身終繭
絲物物巧生理我生拙奚爲貂裘日以弊石田歲
長饑一貧已到骨一氣儻未衰舉目送飛鴻悠悠
知我誰

夜雨挾西風撼撼庭樹浮生堪幾秋青鬢忽已
素鈿刀剗九牛策寒望長路所操奔無竒自好徒
自誤改絃調新聲履道易故步收功在桑榆其敢

怨遲莫

紅紫委路塵綠樹有嘉色剗心晚聞道玩物若有
得青春坐銷歇方茲見真實人生到中年胡不保
明德秋風墮庭梧棲鳳去無迹矯首碧雲端一語
三歎息

寄章泉先生趙昌父

靈鳳鳴朝陽神龍不泥蟠時兮不可爲昌父乃在
山思君二十年見君良獨難時於邨報上屢見得
祠官祠官祿不多一貧其柰何采芝亦可食當作

采芝歌近者李侍郎直言遭逐去人皆笑其踈君
獨有詩句君爲山中人世事安得聞入山恐未深
更入幾重雲

時悅齋李侍郎去國章泉詩送其行

頻酌淮河水

有客游濠梁頻酌淮河水東南水多鹹不如此水
美春風吹綠波鬱鬱中原氣莫向北岸汲中有英
雄淚

元宵雨

窮人不謀歡元夜如常時晴雨均寂寞蚤與一睡

期朱門繁燈火歌舞臨酒池酒闌歡不足九街恣
游嬉前呵驚市人蕭鼓逐後隨片雲頭上黑翻得
失意歸

小孤山阻風因成小詩適舟中有浦城人寓
寄真西山

群山勢如奔欲渡長江去孤峯拔地起毅然能過
住屹立大江干仍能障狂瀾人不知此山有洞天
地間

松江舟中四首荷葉浦時有不測末句故及之

夜聽楓橋鐘曉汲松江水客行信忽忽少住亦可
喜且食鱖魚肥莫問鱸魚美一作有

垂虹五百步太湖三萬頃除却岳陽樓天下無此
景范蠡挾西施功名付煙艇

秋風吹客衣歸興浩難寫寒林噪晚鴉紅日墮平
野篙師解人意棹酒旗下

扁舟乃官差舟子吾語汝汝爲我作勞吾亦不汝
負好向上塘行莫過荷葉浦

趙尊道郎中出示唐畫四老飲圖滕賢良有

詩亦使野人着句

采芝商山秦四皓象戲橋中爲四老我疑此畫即
其人有時以酒陶天真丹青不知誰好手作此飲
態妙入神摩挲半世江湖眼古錦軸中舒復卷細
將物色辨人物迺是晉時劉畢與陶阮一琴無絃
橫膝上一琴團團明月樣一人持杓坐甕邊一人
手携文一編是中必寫酒德篇諸君傷時強自
翹生風味况不淺五胡妖氣蔽神州誓江不救中
原亂新亭舉目愁山河萬事何如一樽滿一杯一

杯醉復醉天地陶陶盡和氣道術相忘禮法踈形骸懶散無機事此畫流傳知幾載生絹剝落精神在何人爲我更作杜陵飲中八仙歌將與冰壺主人爲此對

伏龍山民宋正甫湖山清隱迺唐詩人陳陶故圃曾景建作記俾僕賦詩

故人昔住金華峯面帶雙溪秋水容故人今住伏龍山陳陶故圃茅三間千載清風徐孺子門前共此一湖水百花洲上萬垂楊白鷗群裏歌滄浪故

人心事孺子高故人詩句今陳陶短衣飯牛不逢堯何如繡鞍上着錦宮袍瓦盆對客酌松醪何如紫霞觴泛碧葡萄豆萁然火度寒宵何如玉堂夜照金蓮膏吟成秃筆寫芭蕉何如沉香亭北醉揮毫再三問君君不對目送飛鴻楚天外細讀山中招隱篇超然意與烟霞會照影湖邊雙鬢皓此計知之悔不早三椽可辦願卜隣荷鍾相隨種瑶草

會稽山中

曉風吹斷花稍雨青山白雲無唾處嵐光滴翠濕

人衣踏碎瓊瑤溪上步人家遠近屋參差半成圖
畫半成詩若使小中無杜宇登山臨水定忘歸

高九萬見示落星長句賦此荅之

天星墮地化為石老佛占作青蓮宮東來海若獻
秋水環以碧波千萬重雲根直下數百丈一作時吐
光燄驚魚龍鳳凰群飛擁其後對面廬阜之諸峯
陰晴風雨多態度日日舉目看不同高髯能詩復
能畫自說此景難形容且好收拾藏胸中養成筆
力可扛鼎然後一發妙奪造化功一作高髯高髯須

貌取萬物杲沉元有數吾聞此石三千年復化為
星上天去

題中季山所藏李伯時畫村田樂圖

春秧夏苗秋遂獲官賦私逋都了却鷄豚社酒賽
豐年醉唱村歌舞村樂鼓笛有聲無曲譜布衫顛
倒傴僂舞欲識太平真氣象試看一作觀此畫有佳趣
管絃聲按宮商發細轉柳腰花十八羅幃綉幙拂
香一作春風九醞葡萄金盞滑玉孫公子巧歡娛勿將
富貴笑田夫非溲耕稼飽君腹問有黃金可樂無

嘉定甲戌子孟秋二十有七日起居舍人兼直
學士院真德秀上殿直前奏邊事不顧忌諱
一疏萬言援引古今鋪陳方畧忠誼感激辭
章浩瀚誠有補於國家天合戴復古獲見此
疏伏讀再三竊有所感敬效白樂天體以紀
其事錄于野史

禁城鷄唱金門開起居舍人携疏來榻前一奏一
萬字歷歷寫出忠義懷頓首惶恐臣昧死越錄敢
言天下事百年河洛行胡朔恨滿東南天一角夷

甫諸人責未酬志士愁眠劔鋒落天意未回事難
舉鄉來一試成千誤犬羊頻歲自相屠盛衰大抵
由天數昨臣銜命出疆時自期有去必無歸屈膝
穹廬當憤死天相孤忠半道回金山之下長江水
擊檝中流書壯志東風吹上妙高臺畧望江淮見
形勢形勢從來祗如此幾年待得天時至朝廷為
計保萬全徃徃忘却前朝耻臣今未暇論規恢胡
虜已亡何慮哉中原曠地無人管政恐英雄生草
萊北方苦饑民骨立萬一東來竊吾粟邊頭諸州

無鉄壁借問誰能備倉卒請朝廷厲精兵擇良將
辦多多策上上更選人材老練通達分守要衝講
明方畧一賢可作萬里城一人可當百萬兵坐令
國勢九鼎重所賴君心一點明長牋奏徹龍顏悅
繼言臣愚進此說言雖甚鄙用甚切宸斷必行天
下福勿謂儒生論迂濶臣之肝膽與人別讀書豈
爲文章設王師若出定中原玉堂敢草平羌策

盧申之正字得春郊牧養圖二本有樓攻媿
先生題詩且徵予作

竹弓鳴鴈鴨驚飛來別浦無人境春風不搖楊柳
影長頸紛紛占作家半游波面半眠沙或行或立
或如舞或隻或雙或群聚飲啄浮沉多態度物情
閑暇世忘機分明一片太古稱時巧偽不作民熙
熙

我之居元在野平生慣識牛羊者今見蒲江出此
圖半日不知渠是畫一犍當前轉頭立一犍度浦
毛猶濕中有一蒼騎以牧犍犍相隨數十足殿後
兩枝黃巖觿分明如活下前坡路轉南山春草多

耳根只欠牧兒歌

鄂州南樓

鄂州州前山頂頭上有縹緲百尺樓大開窓戶納
宇宙高插欄干侵斗牛我疑脚踏蒼龍背下瞰八
方荒無內外江渚鱗差十萬家淮楚荆湖一都會
西風吹盡庾公塵秋影涵空動碧雲欲識古今興
廢事細看文簡李公文

題曾無疑飛龍飲秣圖

雲巢示我良馬圖一騎欲水一騎匆匆行批雙耳目

搖電毛色純一骨相殊何人貌此真權奇筆端疑
有渥洼池駑駘當用驂騮老羸得畫圖人看好益
中飲槽中秣無用霜蹄空立鉄何如渴飲長城濠
上波饑則飽喫天山禾振首長鳴載猛士龍荒踏
碎犬羊窠

儒衣陳其姓工於畫牛馬魚一日持六簇爲
贈以換詩

生絹六幅淡墨圖伊人筆端有造化驂騮汗血捉
電光牯犢倦耕眠草下陂塘漠漠烟雨後出水群

魚戲瀟灑細看物物有生意不比尋常能畫者請
君就此三景中揮毫添我作漁翁岸頭孤石持竿
坐白鷺同居蒲葦叢有時尋詩出游衍款段徐行
山路遠奚奴逐後背錦囊木杪斜陽鴉噪晚有時
簑笠過田間農婦農夫相往還手放鉏犁吹短笛
日暮青郊黃犢閑王孫貴人不識此此是吾儂佳
絕處掛君圖畫讀吾詩令人懶踏長安路

黃州棲霞樓即景呈謝深道國正

朝來欄檻倚晴空暮來烟雨迷飛鴻白衣蒼狗易

改變淡粧濃抹難形容蘆洲渺渺去無極數點斷
山橫遠碧樊山諸峯立一壁非烟非霧籠秋色須
臾黑雲如潑墨欲雨不雨不可得須臾雲開見落
日忽展一機雲錦出一態未了一態生愈變愈奇
人莫測使君把酒索我詩索詩不得呼畫師要知
作詩如作畫人力豈能窮造化

題上虞縣信芳堂

河陽種桃彭澤柳歲歲春風誇不朽何如君種一
池蓮開向五月六月天紅粧當暑清無汗綠葉添

風香不斷坐令百里盡清涼天乃贈君雲錦段此
花不可無此堂主人姓字同芬芳更看堂後參差
竹醉倚炎空舞寒綠

衡山何道士有詩聲揚伯子監丞盛稱之以
揚所取之詩求跋其後

道人幽吟巖壑底伴曉猿啼秋鶴唳自陶情性樂
天真一心不作求名計一朝邂逅揚東山詩聲揚
揚滿世間東山才與誠齋敵手腕中有萬斛力為
君翻九淵探君驟龍珠為君擘滄海釣上珊瑚枝

豐城地下掘起出作龍泉太阿雙寶劍南山霧裏窺
見隱豹文章皮是寶欲藏藏不得總被東山手拈
出道人從此詩價高石廩祝融爭宰律君不見彌
明石鼎聯句詩千載託名韓退之

徐京伯通判晚歲得二子

竹隱種竹知幾年千竿萬竿長拂天群飛不敢下
棲止常有清風凜凜然丹穴飛來兩雛鳳鳳來此
竹為之重牙籤玉軸帶芸香家藏萬卷為渠用人
間豚犬不足多我來為作徐卿二子歌手傳竹隱

文章印看取他日官職高差幾

寄報恩長老恭率翁

報恩千楹歸一炬佛也不能逃劫數寶坊化作瓦礫場堪笑月庭來又去率翁修造鳳樓手第一能將無作有神工作舍鬼築墻鞭笞木石能飛走風斤月斧日紛然行看華屋突兀在眼前好留一室館狂客早晚來參文字禪

織婦歎

春蠶成絲復成縮養得夏蠶重剝繭縮未脫軸擬

輸官絲未落車圖贖典一春一夏爲蠶忙織婦布衣仍布裳有布得着猶自可今年無麻愁殺我

刈麥行

腰鎌上壠刈黃雲東家西家麥滿門前村寡婦拾滯穢饘粥有餘炊餅餌我聞淮南麥最多麥田今歲屯下戈飽飯不知征戰苦生長此方真樂土

鄂渚張唐卿周嘉仲送別

武昌江頭人送別楊柳秋來不堪折漢陽門外望南樓昨日不知今日愁英雄握手新相識入情正

好成南北酒闌人散最關情一鴈西飛楚天碧

詰燕

去年汝來巢我屋梁間
汙泥高一尺啄腥拋穢不
汝厭生長群雛我護惜
家貧惠愛不及人自謂於
汝獨有力不望汝如靈蛇
銜寶珠雀獻金環來報
德春風期汝一相顧對語
茅簷慰岑寂如何今年
來於我絕蹤跡一貪簾幕
畫堂間便視吾廬爲棄
物

寄趙鼎臣

學如劉子政不使校書天
祿閣文如李太白不使
待詔金鑾殿倚樓終日看
廬山贏得虛名聞九縣
才忌太高心忌太清平平
穩穩爲公爲卿騏驥可
羈乃歸帝閑麟鳳莫馴爲
瑞人間人間爲瑞徒能
好騏驥可羈終遠到歲寒
心事幾人知手把梅花
供一笑

毗陵天慶觀畫龍自題
姑蘇羽士李懷仁醉
筆詩呈王君保寺丞使君

姑蘇道士天酒星醉筆寫出雙龍形墨蹟從橫奪

造化蜿蜒滿壁令人驚一龍翻身出雲表口吞八
極滄溟小手弄寶珠珠欲飛握入掌中拳五爪一
龍排山山爲開頭角與石爭崔嵬波濤怒起接雲
氣不向九霄行兩來萬物焦枯天作旱兩椎壁隱
寧非懶真龍不用只畫圖猛拍欄干寄三歎

漁父詞四首袁蒙齋元取前二首黃魯庵俾
並錄之以見其全

漁父飲不須錢柳枝斜貫錦鱗鮮換酒却歸船

其二

漁父醉釣竿閑柳下呼兒牢繫船高帆風月天

其三

其四

石屏詩集卷第一終

十一首

石屏詩集卷第二

五言律

秋懷

紅葉無人掃黃花獨自妍
聽談天下事愁到斲酒樽
前水濶終非海樓高不到天
昔人已懷古况復後千年

晚春次韻

酒醒愁難醒春歸客未歸
鶯啼花雨歇燕立柳風微
世路多殊轍人生貴識機
低頭飽一粟仰首愧

雲飛

元日二首呈永豐劉叔治知縣

焚香拜元日受歲客他州白髮難遮老新年諱說
愁無人能訪戴有地足依劉桃李爭春事梅花笑
未休

市近人聲雜窓明雨色開異鄉輕度節同邸重傳
杯不礙狂夫醉知無賀客來故園歸未得茅屋想
蒼苔

宿農家

門巷規模古田園氣味長小桃紅破夢大麥綠銜
芒稚犬迎來客歸牛帶夕陽儒衣愧飄泊相就說
農桑

湘中

荆楚一都會瀟湘八景圖試呼沙鳥問曾識古人
無痛哭賈太傅行吟屈大夫汀洲芳草歇轉使客
情孤

水陸寺

長沙沙上寺突兀古樓臺四面水光合一邊山影

來靜分僧榻坐晚趁釣船回明日重相約前村訪
早梅

題分宜縣呈石子和知縣

古鎮更爲縣封疆半是山賦繁官吏窘土瘠稻粱
慳流水心何急高山意自閑春風細吹拂桃李滿
民間

清明感傷

一笠戴春雨愁來不可遮清明思上塚昨夜夢還
家歸興隨流水傷心對落花晉原松下淚沾酒楚

天涯

都中書懷二首

醉卧長安市思歸東海涯瓶餘殘臘酒梅老隔
年花日與愁爲地時憑夢到家鄉書三兩紙一讀
一咨嗟

雪化晴簷雨爐烘凍壁春窮猶戀詩酒懶不正衣
巾寂寞安吾分奔馳失我真枯桐就煨燼客有賞
音人

歲暮呈真翰林

歲事朝朝迫家書字字愁
頻沾深巷酒獨倚異鄉樓
詩骨梅花瘦歸心江水流
狂謀渺無際忍看大刀頭

游天竺

好山看不了遂借上方眠
酒渴傾花露詩清瀉澗泉
生無適俗韻老欲結僧緣
睡覺鐘聲曉窓騰栢子烟

盧申之正字小酌

清境無塵雜一作夢館 羈懷向此開
主人有風度和我

不塵埃倚竹評詩句拈花泛酒杯
出門見明月客去又招回

鳳凰臺

登臨舒老一作望眼吊古得淒涼
故國自龍虎高臺無鳳凰
浮雲多改變喬木見興亡
往事渾休問鍾山又夕陽

山中即目一作事二首

岩路穿黃落人家隱翠微
籠鷄為鴨抱網犬逐鷄
飛竹好堪延客溪清欲浣衣
禪扉在何許僧笠戴

雲歸

茅屋七五聚沙汀八九盤梯山畦麥秀囊石障溪
湍非父老鷄豚社兒童梨栗盤幽居有餘樂奔走
愧儒冠

題徐京伯通判北征詩卷

一襟忠誼氣數首北征詩不許公卿見徒為篋笥
竒街枝衝雪夜擊楫誓江時此志無人共愁吟兩
鬢質絲

江上

在二卷

山東江流急雲兼霧氣深輕鷗閑態度孤鴈苦聲
音客路行無極風光古又今梅花出籬落幽事頗
關心

賢女祠

南康縣外二十里有女祠昔有劉氏
女少而慧父母初以許蔡無故絕蔡
而以許吳吳亡又以許蔡女曰女子
身初許蔡奪以許吳二年矣今吳亡
復以許蔡一女二許人尚何顏面登
入之門投身于潭而死

士有敗風節慙龜埋九京幽閨持大誼千載著嘉
名父不重然諾女能輕死生寒潭墮秋月心迹兩

清明 著一作樹

春盡日

撚指過三月又當春夏交花殘蜂課蜜林茂鳥安
巢芳草生青霽新篁展綠稍風騷將斷絕誰有續
絃膠

寄栗齋輩仲至

幾度觀朝報差除不到君山林自甚閣文字即功
勲吟苦子孟東野潛深楊子雲一官雖偃蹇千載有
知聞

次韻史景望雪夜

雪中寒力壯病骨瘦難勝溫酒撥爐火
吟詩敲硯冰驚心雙白鬢知我一青燈
欲悞浮生事思參小大乘

春日懷家

細數平生事何堪挂齒牙客游兒廢學
身拙婦持家開甕嘗春酒租山摘早茶
關心此時即歸興滿天涯

寄沈莊可

無山可種菊強號菊山人結得諸公好
吟成五字

新紅塵時在路白髮未離貧吾輩渾如此天公似
不仁

山行

度嶺休騎馬臨淵看網魚木根高可坐岩石細堪
書谷鳥鳴相荅山雲卷復舒儒衣人賣酒疑是馬
相如

次韻謝敬之題南康縣劉清老園

劉子隱居地真如李愿盤萬松春不老多竹夏生
寒卜築世情遠登臨客慮寬題詩疥君壁聊以記

游觀

淮上春日

邊寒客衣薄漸喜暖風回社後未聞燕春深方見
梅壯懷頻撫劍孤憤強銜盃北望山河語蹉天時
不再來

麻城道中

三杯成小醉行處總堪詩臨水知魚樂觀山愛馬
遲林塘飛翡翠籬落帶醅醪問訊一作邊頭事溪翁
總不知

望花山張老家

元從邊上任來此避兵興麥麩朝充食松明夜當

燈蔽門麻葦葦護壁石層層老嫗逢人哭吾兒在

謝陵一老嫗逢人必大哭云我兒在謝陵不歸也

春日

滯滯江湖久蹉跎歲月新客愁茅店雨詩思柳橋

春秣馬尋歸路騎鯨問故人山林與朝市何處着

吾身

聞李將軍鉅至建康

疋馬徑趨府將軍意氣多來依漢日月思復晉山

河邊將慚尸素朝臣奏凱歌分明御祖詐得失竟

如何

江漲見移居者

夏潦連秋漲人家水半門都拋破茅屋移住小山

村聒聒籠鷄犬纍纍帶子孫安居華屋者應覺此

身尊

上喬右司

端笏立朝日肺肝傾上前把麾持節處桃李滿淮

壻藥石箴時病著龜燭事先焦頭與曲突為計孰
為賢

贈郭道人 詩句皆還其所言

滅性能安樂深居絕是非英雄行險道富貴隱危
機紙被如綿軟藜羹勝肉肥蒼苔滿山徑最喜客
來稀

送湘漕趙蹈中寺丞移憲江東

持節復持節因循霜鬢侵盛衰關大數瓦家傑負初
心宇宙虛長筭江湖寄短吟番陽秋水潤湘浦未

為深

立春後二首

夕望春風至還經閏月遲梅花文人行柳色少年
時愛酒常無伴吟詩近得師離騷變風雅尚效楚
臣為

東風吹竹屋無數落梅花凍雀栖簷角饑鳥啄草
芽家鄉勞夜夢客路又春華莫訝狂夫醉西樓酒
可賒

寄韓仲止

何以澗泉號取其清又清天游一立望孩視幾公
卿杯舉即時酒詩留後世名黃花秋意足東望憶
淵明

題張發判園林

園圃屋東西從君一杖藜
雨寒花並瘦春重柳絲
低亭館常留客軒窗總傍溪
摩挲雪色壁安得好
詩題

哭趙紫芝

嗚呼趙紫芝其命止於斯
東晉時一作朝人物晚唐家

數詩瘦因吟思苦窮為宦情癡
憶在藏春圃花邊細話時
嘗在平江孟侍郎藏春園終日論詩

江村何宥甫載酒過清江

玉筍千峯兩金風十日秋
誰能多載酒來此共登樓
山立閣萬變滂深納衆流
故人歸未得我亦為詩留

臨江軍新歲呈王幼學監簿

夢說去年事詩從昨夜吟
三杯新歲酒千里故鄉心
人共梅花老愁連江水深
家書忽在眼一紙直

千金

訪楊伯子監丞自白沙問路而去

欲訪揚雄宅扁舟過白沙自從山以後直到水之
涯風節古人物文章老作家相尋有忙事第一問
梅花

朝市風波地乾坤漁獵場生民日憔悴吾道亦淒
涼龍不爲霖出鳳於何處截群鴉爭晚噪一意送
斜陽

劉興伯黃希宋蘇希亮慧力寺避暑

在三卷

何處避炎熱相期過寶坊萬松深處坐六月午時
涼鐘磬出深屋江山界短牆醉來歸興懶留宿養
公房

秋夜旅中

旅食思鄉味砧聲起客愁夜涼風動竹人靜月當
樓浮世百年夢他鄉幾度秋店翁新酒熟一醉更
何求

舟行往吊故人

喬木風聲壯大江天影圓悲秋時把酒愛月夜行

未及到河上先愁過竹邊倚蓬思往事聞笛為
凄然

擬峴臺杜子野主簿寓居

高臺延望眼風物滿前村細讀南豐記頻開北海
樽遠山如看畫近市不聞喧詩是君家事長城在
五言

無策

老覺登樓懶心知涉世疎
魚晚歲未聞道平生欠讀書行藏兩無策究竟果

何如

題萍鄉何叔萬雲山

詩人姓冲同乃胡仲方詩友

拄杖穿雲去一坡仍一坡地高山不峻花少竹還
多家近登臨便人賢氣味和能詩老姚合朝夕共
吟哦

常寧縣訪許介之途中即景

竹徑入茅屋松坡連菜畦深渚漚麻水斜豎采桑
梯區別隣家鴨群分各線鷄行人來少憇假道過
東溪

關鷄一線作一群各線則別作一群

建昌道上

此篇誤寫在高九萬集中

凜凜北風勁行行西路賒人情甘淡薄世事苦參
差酒易逢知己詩難遇作家林間數點雪錯認是
梅花

訪嚴坦叔

麻姑山下泊城郭帶烟霞携刺接詩社移船一作賚錢
傍酒家沙禽時弄水擗柳夏飛花小酌未能了西
樓日又斜

杜仲高自鄂渚下儀真

鄂渚三千里南樓看月回東園花政好去歲客重
來兄弟皆名士文章動上台傾城傾國色也用覓
良媒

見趙知道運使

飽食武昌魚不如歸故廬盟鷗還海道問鴈覓家
書又把鄉人刺來接使者車東園桃與李莫使看
花疎

趙叔屋山堂安下其家適有喪事

一徑泂溪入數椽松竹間豈知人事變自覺客身

閑采菊出尋酒移床卧看山蒼頭無可作把釣過

西一作溪灣

黃道士出交

林屋何瀟洒權為羽士家客來多載酒僧至自煎
茶試墨題新竹携筇數落花飲中忙過日無暇問
丹砂

陳伯可山亭

梯險登霞外乘流過竹西寒溪隨雨漲高閣與雲
齊雙鶴有時舞孤猿何處啼清吟無盡興白石可

留題

玉山章泉本章氏所居趙昌甫遷居於此章

泉之名遂顯

茲山自開闢有此一泓泉姓自章而立名因趙以
傳源從香水出地與瑞峯連寄語山中友臨流着
數椽欲使結一亭于泉上

題永州思范堂

太守能延客茲堂為我開清池照窓戶列嶂帶樓
臺剔蘚觀題字披榛欲訪梅城根數一作幾株石曾識

范公來

舟中病起登覽

穢棹病三日登樓舉一觥江山從古在花草逐時
生南浦佳人別西風送客行錦鱗能自躍獻我一
杯羹

邵陽趙節齋史君同黃季玉以合江亭三字

分韻

萬里清秋景都歸乎此亭光陰幾今古天地一宮
廷濱一作水東西白梅山一作表裏青登臨生酒興欲

醉又還醒

見湖南綉使陳益甫大著

手攬澄清響聲名漢范滂一臺振風采列郡正權
綱衡嶽勢增重文星日有光金門雖藐藐玉節自
堂堂

麾節羅群彥朝廷只數公近民多惠澤均闕負孤
忠星殞京城震沙移海水通欲知休咎證無路問
蒼穹

敢寫散人號來登君子堂論文才力短憂世話頭

長老不堪行路心思歸故鄉數行詩後語夜夜吐
光芒 為作詩跋甚佳

南臺寺長老乃福州士人陳其姓語及光拙
庵遭際寺乃石頭和尚道場

元龍湖海士叅得石頭禪卓筆翻千偈住山八十
年安心一丘壑過眼幾雲烟莫笑拙庵拙聲名動
九天

真西山帥長沙禱雨

太守持齋戒精誠動九天驕陽變霖雨凶歲轉

豐年信是經綸手行司造化權唐時相房杜斗米

直三錢

出郭問農事家家笑語聲有田皆足水既雨亦宜
晴山下溪流急街頭米價平明朝聞驛領客相見
賀秋成

蘇希亮約客游劉興伯大自在亭

偶爾來江上從君到酒邊雨晴花弄日風定柳凝
烟適意共一笑浮生無百年明朝大自在誰辦載
花船

客中寄家書併簡季道姪

東隱三年別西風一紙書逢人相問訊念我獨勤
渠游子司吾土先人有弊廬欲歸歸未得妻子定
何如

舟中夜坐

獨坐觀星斗一襟秋思長天河司米價太乙照時
康月浦孤帆過風荷一路香持杯問舟子今夜宿
誰鄉俗議以天河顯晦卜米價之貴賤

淮東趙漕領一作客東園趙世卿賸談近日諸

公傑謂今日東園之會意像歐蘇風流不可
見

今日東園會能爲野客期乾坤一南北花木幾興
衰亭館經行地歐蘇無恙時風流不可見烟雨謾
題詩

沈莊可號菊花山人即其所言

老貌非前日清吟似舊時已無藏酒婦幸有讀書
兒連歲修茅屋三秋繞菊籬寒儒有奇遇太守爲
刊詩

別章泉定庵二老人

臘裏春風轉填簷一氣和勸翁新歲酒唱我老人
歌一世聲名重四方書問多章泉一泓水思與海
同波

太湖縣雪中簡段子克知縣

臘雪隨風下蹇驢行路難匆匆投邸舍草草共一作
杯盤喜見豐年瑞渾忘昨夜寒兒童不解事却作
柳花看

有烹犢延客者食之有感

田家藟粟積小小可憐生未試一犂力俄遭五鼎
烹烹朝來占食指妙絕此杯羹口腹為人累終懷不
忍心情

萍鄉縣圃

趙南夫作縣是日縣仙牛
日諸妓筵會撥借雙鬢

亭榭八九所一筇隨往還四橋朱檻外三徑綠陰
間鑿淺通流水凭高見遠山琴堂判風月一笑得
雙鬢

書事

兩揆新當國三邊未解兵吾君極勤儉天下望昇

平春兩隨時下福星連夜明寒儒卜天意對酒百
憂輕

同趙鼎臣游黃甫真人清虛庵

昨聞曹兩府河上遇游仙駐蹕錢塘後結庵廬阜
邊焚香觀御帖洗盞酌神泉鴈足傳書日傷心已
百年

同曾景建金陵登覽

興廢從誰問雲烟過眼空吁嗟六朝事想像半山
翁百景饒君詠三杯許我同登臨無限意多在夕

陽中 曾有金陵石詠

遇淮人問蘄黃之變哽噎淚下不能語許俊
不解圍乃提兵過武昌

偶逢淮上客急急問蘄黃未語心先噎低頭淚已
滂五關人失守殘虜勢非強聞說許都統提兵過
武昌

寄姚楚州

人材當世用緩急敢辭難身挾天威重名驚賊膽
寒臨機一着妙入境衆心安聞已誅元惡仍須問

禍端

庸將幾誤國流民亦弄兵康時仗豪傑了事是功名車馬長淮路貌貅細柳營山陽還舊觀併使虜塵清

許介之約過清溪道上有成

行盡白雲際乘槎過水西稻田秋後雀茅舍午時鷄野飯自不惡村醪亦可携聞鐘欲投宿何處是招提

送張子孟

柳陽有鬼哭山挂陽有神愁嶺

君爲柳桂客聽說道途難不過神愁嶺須經鬼哭山心平無險路酒賤有歡顏早作還鄉計高堂鶴髮斑

南豐縣南臺包敏道趙伯成同遊

笑傲南臺上東風吹鬢綠眼明花在處春好雨晴時樓閣多臨水溪山可賦詩留連無盡意故遣酒行遲

長沙道上

詩情滿天地客夢繞瀟湘何處桂花發秋風昨夜

香登山猶矍鑠照水見昂藏未了一生事難禁兩
鬢負霜

萍鄉客舍

草罷惜春賦持盃亦鮮歡簷楹雙燕語風雨百花
殘小閣無聊坐征衣不耐寒地爐燒石炭強把故
書看

無爲軍界上遇太湖趙尉制府稟議

解后風塵底周旋鞍馬間三杯送行色一笑強開
顏夜宿煖湯市晨炊冷水關軍前獻籌策第一守

光山

譚俊明雪中見訪從而乞米

今日病方起君來喜可知地爐燒楮拙瓦釜煮梨
祈門外雪三尺窓前梅數枝野夫饑欲死誰與辨
晨炊

新喻縣蘇晉叔相會

偶作榆溪客還逢橘井仙多才出入上笑我老吟
邊買錦囊詩卷典衣供酒錢竹林青眼叔常說仲
容賢

訪陳與機縣尉於湘潭下攝市

清淡守風節當官若隱居自稱為漫尉人道是迂
儒俸外無炊米公餘但讀書王門多貴戚道眼視
如無

買得南坡景創成西尉司宅幽連一作聯寺觀地廣帶
亭池能事事易了役民民不知題詩記顛末政不
假人碑

吾里不識面他鄉喜見君數朝相款曲杯酒接慇
懃清挹湘江水笑開衡嶽雲歸心逐回鴈轉首歎

離群

訪曾魯叔有少嫌先從金仙假榻長老作筍

供

俗物敗佳興余非後汝期既來逢一見政恐錯相
疑同訪金仙老因參玉板師樽前有餘暇細讀放

翁詩

觀靜江山水呈陳魯叟漕使

桂林佳絕處人道勝匡廬山好石骨露洞多山岩腹
虛崢嶸勢相敵温厚氣無餘可惜登臨地春風草

木疎

昨者登梅嶺茲來入桂林相從萬里外不負一生
心湖上千峯立樽前十客吟譏評到泉石吾敢望
知音

昭武劉圻甫以嵒篁隱居圖求詩

相對兩山碧春風搖綠篁一巢雲建造三澗水宮
商谷口躬耕稼盤中歌壽昌桃花認行路他日訪

劉郎

過三衢尋鄉僧適遇愛山徐叔高同訪鄭監

丞其家梅園甚佳選百家詩

暫作三衢客尋僧出郭遲適逢徐孺子同訪鄭當
時詩集百家富梅花幾樹奇匆匆又行役不見爛
柯棊

題趙庶可山臺

層臺高幾許此即會稽圖一目空秦望千峯壓鏡
湖雲烟分境界城郭限廉隅他日傳佳話蘭亭與
此俱

天造此一景趨然闌闌間坐分臺上石看盡越中

山松月照今古樵風送往還只愁軒冕出閑却白雲關

董叔宏黃伯厚載酒黃塘送別

愁酌開懷酒涼生破暑風論交談洒洒告別恨匆
匆十里黃塘路扁舟白髮翁多情今夜月爲我照
吟篷

贈張季治

秋扇交情薄儒衣行路難縱懷千里志也要一枝
安夢繞梅花帳愁生首着盤從來食肉相千萬強

加餐

姪淑遠遊不得書

客夢江湖遠窮居骨肉離尺書無寄處中夜不眠
時念爾衣裘薄滿懷風露悲狂游斷消息深負竹
林期

寄梅屋趙季防縣尉

疇昔交游密睽違歲月多石屏今老矣梅屋病如
何世路生荆棘家山足薜蘿共尋深處隱此計莫
蹉跎

雨後有感

逐日愁聞雨今朝喜遇晴雲開山獻狀月出海生
明天地有常理古今無限情靜中觀世變安得見
河清

歸來二首兒子創小樓以安老者

老去知無用歸來得自如幾年眠客舍今日愛吾
廬處世無長策閑時讀故書但能營一飽渾莫問
其餘

破屋不可住如何着老身喜於喬木下見此小樓

新山好如佳客吾歸作主人摩挲雙腳底無復踏
紅塵

歸後遣書問訊李敷文

華字實夫

綉斧離章貢旋聞帥壽沙先生方易節客子已還
家別後仙丸隔歸來道路除秋風兩行字也勝寄
梅花

旋聞一作轅門

身退謀家易時危致主難才能今管樂人物舊張
韓吾國日以小邊疆風正寒平生倚天劍終待斬
樓蘭

聞說營新第無從賀落成門庭山水色樓閣管絃
聲海內二三傑胸中十斛萬兵寧爲一區計不使
九州平

憶作南州客歸來東海濱尚懷憂世志忍說在家
貧老作山林計夢隨車馬塵鬱鬱孤臺上月無復照
詩人後夜鬱鬱孤臺上月更從何處照詩人敷文送行詩也

醉眠夢中得夏閏得秋早雨多宜歲豐一聯
起來西風悲人且聞邊事

夏閏得秋早雨多宜歲豐今朝上東閣昨夜巴西

風田野一飽外乾坤萬感中傳聞招戰士人尚說
和戎

姪孫仲晦亦龍和前詩甚佳其家有林塘之
勝兄弟和睦日以奉親爲樂用此韻以美之
有母身長健無營家自豐林塘孝子宅詩禮古人
風壠畝秋成後弟兄和氣中時聞有佳話常欲訪
王戎

一笑

海曲荒涼地吟邊蹭蹬身時危法當隱年老慣居

貧俗客苦戀坐小孫癡弄人等閑成一笑不覺把
杯頰

寄趙茂實大著二首

久坐圖書府方登著作庭人知才可敬公以德爲
馨議論參諸老文章本六經省中相別後夜夜望
奎星

詞臣工筆墨亦足致功勳細草平戎策兼爲諭蜀
文一言關治亂千載有知聞應笑垂綸叟愁吟對
海雲

送彭司尹之官三山

祭酒家風重民曹官職卑公勤爲已任清白取人
知鴈月三山雪梅花一路詩舊時來往處今有夢
相隨

送姪孫汝白往東嘉問訊陳叔方諸文

子去尋名勝何慚着布衣出門知所鄉在旅亦如
歸道誼無窮達文章有是非寄聲陳與趙相賞莫
相違

寄南昌故人黃存之宋謙甫二首

謙甫多才思存之重誼襟一書愁話別千里夢相
尋南浦扁舟上東湖萬柳陰舊時行樂處何事不
關心

久客歸來後家如舊日貧青山何處隱白髮也愁
人畎畝一生事乾坤百病身時無愁呂駕相憶莫
相親

送趙安仁之官上虞二首

表表魁梧相面如田字方早宜朝玉陛猶自縮銅
章上挹葉丞相近瞻商侍即風流接前輩偃室有

輝光

遠庵家學在持此去為官冰雪吾身白風霜吏膽
寒一心毋妄用百姓自相安賢者妙為政誰言宰
劇難

秋日

秋風梧葉雨袞袞送秋涼一氣四時轉幾人雙鬢
蒼舊游如說夢又客乍還鄉欲作安居計生涯尚
渺茫

君玉同訪豈潛飲間君度曼卿不約而至鶴

方換翎羽出舞于桂花之下不可無語

秋來常自雨雨霽忽秋深鶴換一身雪花開滿樹
金三杯動情性一笑付園林莫怪先歸去不翁薄
被疾侵

倚樓

賢愚不同道用捨要知機涉世有臧否山口樓無是
非鴉分枯樹立鴈逐斷雲飛朝暮尋常于何須歎
落暉

戊戌冬

造化人難測寒時暖似春蛟龍冬不蟄雷電夜驚
入四海瘡痍甚三邊戰伐頻靜中觀氣數愁殺草
茅臣

題姪孫豈潛家平遠圖

好山橫遠碧平野帶林塘四望耕桑地幾年雲水
鄉海天龍上下秋日鶴翱翔觀物忽有感無心住
草堂

夏日續題

海近朝曦赫山明宿霧消紫雲縈碧落白鷺點青

苗避暑軒亭爽凭虚眼界遙時來一登眺初不待
招邀

因風再寄南昌故人兼簡王帥子文

寄聲黃與宋書去望書還別後交情在年來世路
艱吾思蹈東海君合隱西山詩卷勤收拾留名天
地間

江湖歸亦好朋友恨相踈條作三年別纔通一紙
書詩盟誰是主世道正愁予若見王都督煩君問
起居

舟中

檝棹河梁畔推篷得句新雲爲山態度水借月精
神密樹藏飛翮平波見躍鱗幾年村落底也有醉
歸人

送曉山復肯甫入京

歲月頻看鏡功名一據鞍勿言行路惡有志戀家
難芳草客程遠落花春夜寒江湖舊時夢相逐到
長安

辛丑歲暮二首

日月易流轉一年仍一年身從憂患老事逐歲時
遷白首未聞道清貧不愧天寒林松栢瘦花柳又
春妍

臘盡無多日吾生有幾年老於人事懶貧覺世情
偏獨枕江湖夢閉門風雪天三杯動詩興得句落
梅邊

意氣久凋落形模老可憎能扶雙病脚賴有一枯
藤世味淡如水吾心達似僧明朝今日事一任運
騰騰

小畦

小畦尋丈許鑿壁置柴扉雨後菜虫死秋來花蝶
稀挿籬新種菊抱甕已忘機俗客忽相訪妨人洗
布衣

有感

浩浩海風勁滔滔河水渾占人皆去世喬木自當
門族黨諸孫盛吾宗一綫存興衰知有數心事與
誰論

次韻陳叔強見寄

識面者無數論文要有緣未聞蒼玉佩尤枉碧雲
篇采鳳騰詩筆持螯泛酒船山陰或乘興何待菊
花天

窮通元有命富貴柰無緣對此黃梅雨歌君白雪
篇風生三尺劔夢逐五湖船白首成何事歸來敢
問天

一冬無雨雪而有雷

萬物久如渴三冬一向晴時無臘雪下夜有瑞雷
鳴休咎占天意悲歡見物情山禽何所感爛熳作

在三卷中

春聲

石屏詩集卷第二終

遺九十二首

